



R. G. ADAMS

*Questo libro composto di libretto  
trentanove ha un gran valore.*

*Il suo più gran pregio consiste nella  
lettera di Cristoforo Colombo in lingua  
Spagnola.*



*Thomas Randolph Adams*


The John Carter Brown Library



GIFT OF

Thomas R. Adams








The Isaac Carter Beaman Library


Gift of

Major G. Adams











H Y M N V S I N  
B A C C H V M

F E D E R I C I C E R V T I

V E R O N E N S I S

<sup>A D</sup>  
A L E X A N D R V M L I S C A M

I V R I S P E R I T I S S .




V E R O N A E ,

*Apud Hieronymum Discipulum , & fratres .*

M D L X X V .



FEDERICVS CERVTVS  
ALEXANDRO LISCÆ  
IVRISPERITISS. S. D.



**R**VS merum fuero, tibi, perite  
Legum, si bona denegem petenti.  
Talis non ero: namque si vllus extat,  
Qui amicis operam velit dedisse,  
(LISCÆ præcipuè, viro disertò)  
Profectò sum ego: cui nimis molestum,  
Essem si minus obsecutus. Ergo,  
BACCHVM, cum iubeas, vocari ad astra  
Carmine; hoc tibi, quicquid est, habeto.  
Plura non potui, occupationum  
Pressus pondere maximo. canentem  
Curis omnibus est opus solutum  
Esse. Talia non mihi camcænæ,  
Non grinæus Apollo dat Ceruro:  
Dum fleo interitum mei MORANDI;  
Quem tu dimidium fuisse nostræ  
Sciebas animæ. Vale, & me amato.



H Y M N V S

# IN BACCHVM.



**L**ENÆVM canimus Deum: supremi  
Filium Iouis; atque matre natum  
Thebana Semele: coma decente,  
Incinctumque edera. Procul profani  
Hinc abite. Deum cano verendum:  
Cuius numina pura virgo Dirce  
Primum est deuenerata: tunc, cū ad vndas  
Ætoli fluuij manu tenellum  
Suscepit puerum: inde dulci alumno,  
Et caro Tegees datus foueri  
Nymphis. Sed neque te sine, ò Lyæ,  
Carmen aggrediar tuum. liquore  
Nunc tuo est opus: ore non decent hæc  
Sicco mistica sacra nominari.  
Adferte huc calices; bibam furenter.  
Tu interim ropalo graues repelle  
Curas: Tristitia hinc procul, Dolorque  
Absit: ò pater, vt calenti liquore hoc



Caput, pectora: quàm genu labascit?  
Caligant oculi; specus adire  
Quos mihi videor? Deus virenti  
Thyrso latus adest; domans flagello  
Lyncum terga: solum tremiscit, atque  
Cœlum iam resonat strepente cornu.  
Audin cymbala? ter, quaterque salve,  
O Deus, placidæ quietis auctor.  
Tu sæpe auxilio mihi fuisti;  
Cum mens anxia fluctuaret æstu  
Curarum; premeret nec vnquam ocellos  
Somnus. tunc patera meri sed hausta,  
Stertebam, tenero iacens cubili: &  
Membris languidulis sopore captis,  
Te in certamine strenuum videbam,  
Sternentem validè impios gigantes:  
Induta specie leonis illum  
Et Rhœcum vnguibus, horridaq; mala  
Scindentem: Enceladumq; tunc timentē  
Plurimum sibi. Sic Iouis fauore  
Natus optimus es vocatus: ipse  
Nanque viderat, vt ducis sagacis  
Vices sustineas; micantibusque  
Armis quàm fueris tremendus hosti.  
Figis clara trophœa celsi Olympi



In cacumine ; quæ hostibus superbis  
Eripis ; galeas , micantiores  
Et enses , clypeos , acuta tela,  
Quæ facti monimenta sint probati.  
Euoe , mens trepidat ; caput corymbis  
Dum ornatum video : trahisque tecum  
Et Bacchas , Satyrosque : percutisque  
Terram ; è qua exilit & merum , sapore  
Gratum : mel quoq ; , lacq ; . Sed iuuat me,  
Bacche , nunc memorare , quàm feroci  
Marte tu dederis neci virorum  
Superbum genus , India profectum :  
Ductus cùm pietate subleuandi  
Gentes quasilibet , vndecumque quæris,  
Quanam sis ratione id assecutus .  
Spernebat nimis arroganter illa  
Natio Tityros tuos ; iocumque  
Numen Bassaricum putabat esse :  
Elata atq ; animis , sibi que fidens ,  
Manum conseruisse vult : choreis ,  
Falsò dum putat , esse te aptiorem .  
Campo vix acies stetisse scimus .  
Cum tu protinus irruens in hostem  
(Puluis concutitur velut furenti  
Noto) horum agmina disgregas ; manuq ;



Militum valida æreas phalanges  
Statim disijcis : & iubes fateri ,  
Impares tibi se esse . Tunc ouantes  
Victorēs comitantur : hinc & inde  
Accingunt se operi ; Deum triumpho  
Vt ducant socij aureis quadrigis .  
Signant montibus Indicis columnæ ,  
Gange non fluuio procul locatæ ,  
Tua Indos domitos fuisse dextra .  
Euoe, Bacche, Bromi, Lyæ, Eleleu,  
Corniger, Dithyrambe, Iacche, Enorche,  
Bassareu, Iuuenis, Senex, Osyri,  
Tristi Penthea tu iubes perire  
Morte, dum violare sacra tentat ;  
Matris vulnere nam perit misellus :  
Non illam precibus mouet ; nec Ino  
Ab illo abstinuit manus cruentas .  
Thracis exitium canam Lycurgi ?  
An quæ progeniem negabat esse  
Te summi Iouis ; additis duabus  
Conscijs sceleris sororibus ? Non .  
Vitis nam iuuat extulisse honores ;  
Quæ curas animis procul fugare  
Suis muneribus nouis valebit .  
Bacche, miror ego , innocentis aras



Capri sanguine spargier calenti :  
Sine huius nam ope quî meri liquorem  
Esse nactus ? Opaco in altioris  
Sedebas nemoris recessu ; & ipsum  
Labruscæ teneros vides racemos  
Rodentem : ebrius inde subfilire  
Cœpit : tunc catus huic quidem putasti  
Plantæ præcipuas inesse vires :  
Radices validas fodis , sequenti  
Anno dulcia sunt liquata vina :  
Quæ sunt & medicamen ; atque alendi  
Vim feruntur habere . Vina , quorum  
Gratia medicus bonus vocaris :  
Quæ ferunt hominum genis colorem  
Optimum , roseumque . Vina , quæ escæ  
Adiuuant quoque distributionem :  
Et quæ frigidiora membra curant .  
Vina , quæ senibus leuant dolores ;  
Debilem & stomachum fouent potenter .  
Vina , ob quæ steriles creare possunt .  
Vina , quæ moderata , mentibusque ,  
Profunt , ingenijsque . Plura dicam ?  
Euoe Mænadas audio canentes  
Laudes purpurei liquoris , atque  
Certatim video cito racemos




Calcantes pede; teque flagitantes,  
 Mustum vt suaue magis, magisq; semper  
 Sibi defluat, è lacu petatum.  
 Salue, Magne pater, mihi canenti  
 Nigris cinge caput libens corymbis:  
 A me canitiem procul fugato:  
 Serues & virides tuo Ceruto  
 Annos. Sic tibi dulciõra vina  
 Spumanti patera bibant sodales  
 Boni, candiduli, venustulique,  
 Quos persæpe vocat peritus ille  
 Iuris; & pater elegantiarum:  
 Qui, negotia post fori molesta,  
 Hunc diem celebrat, tibi dicatum.


FINIS.






















~~H595~~  
~~N4795~~  
~~V.1~~

J595  
N4795  
V.1



*19*  
*10*